

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta:
Broj akta:
Gračanica,

Na osnovu člana 16. Statuta Grada Gračanica („Službeni Glasnik Grada Gračanica“, broj: 01/23), Gradsko vijeće Gračanica na sjednici održanoj . donosi

O D L U K U

O izmjenama Odluke o utvrđivanju uslova, kriterija i postupka dodjele
stipendija učenicima srednjih škola i studentima

I- OPŠTE ODREDBE

Član 1.

U Odluci o utvrđivanju uslova, kriterija i postupka dodjele stipendija učenicima srednjih škola i studentima („Službeni Glasnik Grada Gračanica“ br. 09/25) (u daljnjem tekstu: Odluka) član 24. mijenja se i glasi:

“Pravo na stipendiju u ovoj kategoriji imaju učenici i studenti čija ukupna mjesečna primanja članova domaćinstva nisu veća od 70 % prosječne neto plate Federacije BiH ostvarene u prethodnoj godini prema podacima Zavoda za statistiku Federacije BiH.”

Za stipendije koje se dodjeljuju za 2025/2026 godinu pravo na stipendiju u ovoj kategoriji ostvaruju učenici i studenti čija ukupna mjesečna primanja članova domaćinstva nisu veća od 70 % prosječne neto plate Federacije BiH ostvarene za prvih šest mjeseci 2025. godine prema podacima Zavoda za statistiku Federacije BiH.”

Član 2.

Ova Odluka stupa na snagu danom objavljivanja u «Službenom glasniku Općine Gračanica».

PREDSJEDAVAJUĆI
GRADSKOG VIJEĆA
Mirza Okić

OBRAZLOŽENJE

Pravni osnov

Pravni osnov za donošenje Odluke je član 16. Statuta Grada Gračanica („Službeni Glasnik Grada Gračanica“, broj: 01/23) kojim je regulisana nadležnost Gradskog vijeća za donošenje odluka. Takođe članom 23. Odluke o izvršenju Budžeta Grada Gračanica za 2025. Godinu regulisano je da se sredstva u Budžetu namijenjena za stipendije dodjeljuju na osnovu kriterija iz Odluke koju donosi Gradsko vijeće.

Razlozi donošenja

Gradsko vijeće Grada Gračanica donijelo je Odluku o utvrđivanju uslova, kriterija i postupka dodjele stipendija učenicima srednjih škola i studentima („Službeni Glasnik Grada Gračanica“ br. 09/25) na sjednici održanoj 28.08.2025. godine a kojom je stavljena van snage ranija Odluka po kojoj su se vršile dodjele stipendija.

Usvojenom Odlukom kriterij za dodjelu stipendija studentima i učenicima slabijeg imovnog stanja ostao je nepromijenjen u odnosu na raniju Odluku i to pravo na stipendiju ostvarivali su studenti i učenici čija ukupna mjesečna primanja članova domaćinstva nisu veća od 50 % prosječne neto plate Federacije BiH ostvarene u prethodnoj godini prema podacima Zavoda za statistiku Federacije BiH. Obzirom da je u 2025. Godini došlo do značajnog odstupanja između minimalne plaće (1000 KM) i iznosa 50 % od prosječne neto plate Federacije BiH ostvarene u prethodnoj godini prema podacima Zavoda za statistiku Federacije BiH (714), to je bilo potrebno uskladiti Odluku u odnosu na trenutne uslove i minimalnu plaću.

Obzirom da je došlo do značajnih odstupanja koja su najvidljivija u ovoj godini te census od 70 % prosječne place iz 2024. Godine neće preći minimalnu plaću od 1000 KM, bilo je potrebno dodati poseban stav 2. te primjeniti kriterij prosječne plaće za prvih šest mjeseci 2025. Godine i za stipendije koje će biti raspisane u ovoj godini.

Obzirom na navedeno predlažemo da se izvrši izmjena Odluke.